



Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 28. Joannes Cantacuzenus imperatoriam dignitatem abdicat.

[urn:nbn:de:hbz:466:1-66293](#)

Sæcul.XIV.
A.C.1355.

19193 §. XXVIII.

Joannes Cantacuzenus imperatoriam
dignitatem abdicat.

Mense Januario ejusdem anni 1355
juvenis Imperator Joannes Palæo-

logus Constantinopolim rursus intravit.
Joannes Cantacuzenus ficer suus eum *M. Vill. l. 6.*
quasi relegaverat Thessalonicam, & solum *c.46.*

fere Imperatoris titulum illi reliquit.

Joannes seu Calojoannes, ut propter exi-
miam corporis speciem vocabatur, nec
copiae habebat, nec pecunias, per quas
fortunam repararet suam; sed amabatur
a populo ac Proceribus, qui eum sem-
per agnoscebant suum verum Dominum.

Franciscus Cataluzius Nobilis Genuensis
Constantinopoli habitans, opibusque af- *Cantacuz.*
fluens per industriam & largitiones suas *l.4.c.39.*
effecit, ut Imperator Joannes Palæolo- *p.865.*
gus illuc mari adveniret noctu ac secre-
to. Tum magno urbs motu agitari: ac-
cingere se armis, & suum erga illum stu-
dium profiteri populus: nec se tueri pa-
rabat Cantacuzenus, suppetias sibi expe-
ctandas perhibens.

Patriarcha Philotheus populi fero-
ciam metuens relicto palatio suo latebram
petiit, se gravem Palæologo ratus, quip-
pe intrusum ad sedem Callisti pro ipso
conati,

c. 40.

Sæcul. XIV. conati, passique omnia. Ille conditions
 A. C. 1355. pacis obtulit Cantacuzeno : qui has li-
 benter accipiens ei declaravit conceptum
 pridem, ut ajebat, propositum abdican-
 di res fluxas, vitamque monasticam am-
 plectendi. Et vero postridie depositis
 ipso in palatio insignibus imperatoriis re-
 ligiosam induens vestem Joannis nomen
 nomine Joasaphi mutavit. Simul conjux
 ejus Irene nomen Eugeniæ assumpsit cum
 amictu cœnobitico. Joasaph adire mon-
 tem Athonem volebat.

c. 41.

p. 871.

Eadem hyeme Callistus ab insula Te-
 nedo, quo se receperat, redux patriarcha-
 lem denuo sedem Constantinopoli nem-
 ine obstarre auso capiebat. Ne Præfulum
 quidem sententiam hac de re postulans,
 sed iniquissime tum ab Imperatore, tum
 ab Episcopis tractatum se perhibens, suam
 ipsius causam judicabat, poenas ab ini-
 micis suis expetiturus. Dissuadens id
 Palæologus, quæ discordias inter & con-
 tentiones facta essent, omnia contemne-
 da dicebat.

M. Vill. l. 5.

c. 87.

*Indic. Ar-
rag. p. 210.**Rayn. 1355.**n. 23. 24.**Baluz. vit.**to. I. p. 328.*

337.

Ludovicus Arragonius Siciliæ Rex
 annos sexdecim natus decima sexta Oc-
 tobris anno 1355 vitam amisit, succeſſo-
 rem relinquens suum fratrem duntaxat
 tredecim habentem annos, & imbecil-
 lum. Mensē Decembri Petrus Officiosus
 Arragonum Rex deformis simul ac pu-
 fillus

fillus Avenionem delatus, Natalem Do- Sæcul. XIV.
mini Nostri cum Papa Innocentio ibi ce- A.C. 1355.
lebravit; & ob Sardiniae coronam clien-
tis fidem ei spoondit; sicut Benedi-
cto XII fecerat.

§. XXIX.

Ioannis Palæologi cum Papa fædus.

Imperator Joannes Palæologus hinc a
Turcis, illinc a Matthæo Cantacuzeno
adhuc Adrianopolim, & circumjecta huic Rayn. 1355.
loca tenuente pressus, ut a Latinis subfi- n. 33.
dium impetraret, cum Paulo Archiepis-
copo Smyrnensi coepit agere de reconciliandis Ecclesiis: ac de consilio hujus
Præfus confecit, sigilloque aureo mu- n. 34.
nivit tabulas, quarum haec erat summa:
Per sancta Evangelia juro me observatum
rum omnia, quæ sequuntur. Ero fidelis
atque morigerus sancto Patri & Do-
mino Innocentio VI Romanæ ac univer-
salis Ecclesiæ Pontifici Maximo, & suc-
cessoribus ejus; Legatosque ac Nuncios
eiusdem omni cum reverentia recipiam.
Conabor pro viribus omnes mihi subje-
ctos illi submittere: atque cum populi
longam per confuetudinem indurati non
facile flecti queant, convenit mihi cum
Archiepiscopo Paulo, & Nicolao Sigero
meo Megaheteriarcha (sic vocabatur Dux *Ducange*
primus custodum corporis advenarum) *gloss. lat.*
ut